

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj : 46 0 I 024040 10 Kom
Bugojno, 24.03.2022.. godine

OPĆINSKI SUD U BUGOJNU po sudiji Lejla Nurikić, u izvršnom postupku tražioca izvršenja JKUP "Čistoća" d.o.o. Bugojno, ul.Slobode bb, protiv izvršenika Nail Dželilović iz Bugojna, Kula, radi isplate duga, v.sp. 59,00 KM, donio je dana 24.03.2022. godine sljedeći:

ZAKLJUČAK O PRODAJI

1. Određuje se prva prodaja pokretnih stvari izvršenika:

-PMV WOLKSVAGEN – PLAVE BOJE, REGISTARSKIH OZNAKA A40-M-514, UTVRĐENE VRIJEDNOSTI 1.000,00 KM

i to putem usmenog javnog nadmetanja na dan **29.04.2022. godine**, u 10:30 sati u zgradi Općinskog suda u Bugojnu, soba broj 22.

2. Konstatuje se da je vrijednost pokretnih stvari iz tačke 1. ovog zaključka utvrđena na temelju procjene sudskog izvršitelja u iznosu od 1.000,00 KM.
3. Najniža prihvatljiva ponuda po kojoj se predmetna stvar može prodati je 1/2 utvrđene vrijednosti.
4. U javnom nadmetanju kao kupci mogu učestvovati samo osobe koje su prethodno dale osiguranje, koje iznosi 1/10 utvrđene vrijednosti pokretne stvari koja je predmet prodaje, s tim što ne može iznositi više od 10.000,00 KM. Osobe koje sudjeluju u javnom nadmetanju dužne su prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 1011300000295629, sa naznakom broja predmeta.
5. Ponuđačima čija ponuda ne bude prihvaćena osim za tri najbolja ponuđača, vratit će se osiguranje odmah nakon zaključenja javnog nadmetanja
6. Ponuđač sa najvećom ponudom dužan je platiti cijenu odmah nakon objavljivanja rezultata ročišta za prodaju. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom;
7. U slučaju da ni jedan ponuđač ne plati cijenu, sud će na zahtjev jedne od stranaka, oglasiti da ročište za prodaju nije uspjelo, a stranka može tražiti u roku od 8 dana zakazivanje novog ročišta.
8. Sud će postupak obustaviti ako stranka ne predloži održavanje novog ročišta za prodaju u roku iz tačke 5. ovog zaključka, ili ako se stvari ne uspiju prodati na drugom ročištu ;
9. Ovaj zaključak o prodaji objaviće se na oglasnoj tabli suda, a tražilac izvršenja ga može objaviti i u javnim glasilima, o svome trošku.

Sudija

Lejla Nurikić

Pouka o pravnom lijeku

Protiv ovog zaključka nije dopušten pravni lijek.